



SUKARELAWAN Ivorycares menyampaikan sumbangan kepada salah seorang wanita kurang berkemampuan di Sungai Pinang, Pulau Pinang baru-baru ini.

## Ivorycares bantu empat keluarga miskin

**SUMBANGAN.** Prihatin dengan nasib golongan kurang berkemampuan menyambut Aidilfitri, Persatuan Kebajikan Ivory Pulau Pinang (Ivorycares) tampil menghulurkan bantuan kepada empat keluarga miskin baru-baru ini.

Dalam kunjungan ke rumah tiga keluarga miskin di Tanjung Tokong dan satu di Sungai Pinang itu, sukarelawan Ivorycares menyampaikan sumbangan barang-barang keperluan dapur serta duit raya.

Menurut Timbalan Presiden Ivorycares, Janice Lim, persatuan itu merupakan entiti kebajikan syarikat hartanah terkemuka Pulau Pinang, Ivory Group, yang giat menjalankan aktiviti komuniti di sekitar negeri tersebut.

"Memang menjadi hasrat kita membantu golongan kurang bernasib baik seperti keluarga miskin terutama sekali semasa menyambut perayaan seperti Aidilfitri agar dapat meringankan beban mereka," ujarnya.